



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 270. Contra Matrimonium vel pro eo quinam agere possit &
testificari.

[urn:nbn:de:hbz:466:1-73973](#)

non sit ad prorogandam vel concedendam Principi laico jurisdictionem in ipsum patrem clericum, sed ad ipsum filium ejus laicum legitimandum, vel potius ad impediendum patris præjudicium; ut Castrop. l. c.) & bona, ad quæ legitimatur, esto sint exempta à tributis, dum possidentur à clero, non tamen sunt exempta, quod minùs post mortem illius alteri à principe applicentur, jus in iis succedendi concedatur, leges quoque, quæ per hanc legitimationem relaxantur, non sunt canonicae, sed civiles, verantes illegitimos succedere in bonis parentum tam clericorum quam laicorum; adeoque huic legitimationi nihil obstat; quamvis tamen, ut Castrop. l. c. cum Mol. l. c. vers. illud possit Pontifex sua lege statuere, bona clericorum ad filios eorum Spurios, et si à Principe legitimatos perveniant. Idem de filio clerici legitimando, constituto in ordinibus sacris, aut in minoribus unà cum beneficio ecclesiastico, vi cuius gaudeat privilegio fori, contra Decim conf. 150. à n. 4. Azor. l. c. c. 15. q. 5. Pont. l. c. n. 9. satis probabiliter, ut ipse fatetur Castrop. sentientes contrarium, tuerit cum Covar. & Mol. n. 10. eò quod talis filius ob leges civiles inhabilitantes filios Spurios ad succedendum patrī est inhabilis, contractā hac inhabilitate tempore, quod laicus erat, & quæ per clericatum non relaxatur, legum autem civilium relaxario spectet ad Principes seculares; sed neque clericus exemptus sit à jurisdictione laica (quod est fundamentum adversariorum) intellige directiva plenè) cùm alias nullis

legibus civilibus obligari posset, quod est contra communiter receptam) sed à jurisdictione coercitiva.

4. Quartū: Posse quoque ab eis legitimari natos ex parentibus impeditis ad contrahendum matrimonium, tenent Covar. cit. §. 8. n. 4. Fachin. l. c. c. 57. in pr. Mol. d. 173. in pr. Pont. cit. c. 6. in fine, Castrop. l. c. n. 15. eò quod hæc illegitimatio inducta sit jure humano, hoc autem jure inducta abrogari & immutari possunt Principis voluntate. §. sed naturali Inst. de jure natur. gent. &c. civil. his non obstante, quod Princeps non possit copulam, ex qua nati, reddere legitimam, sicut non obstat, quod minùs possit naturalem legitimare, quoad copulam, ex qua natus, non possit reddere legitimam; cuius ratio est à priore, quod quod ad legitimationem, quæ est restitutio natalium, non requiratur restitutio ex matrimonio, sed natalium ex natura, ut sic restitutus reputetur, ac si ex vero matrimonio natus, quamvis matrimonium inter ejus parentes esse non possit; ita Castrop. l. c.

Quæst. 269. Aquibus, cum quibus & ad quæ cum illegitimis dispensari posset.

R Esp. ad ea sufficienter responsum à me in Foro benef. p. 1. à q. 267. quod lectorē remitto, uti & ad sect. 2. c. 1. §. 3. de legitimitate natalium, ubi magis in particulari tractata invenies aliqua ad hunc tit. spectantia aut reducibilia.

TITULUS XVIII.

Qui matrimonium accusare possunt, vel contra illud testificari.

Quæst. 270. Contra matrimonium vel pro eo quinam agere possint & testificari?

1. R Esp. primò: Matrimonium contrahendum accusare seu impugnare ad illud impediendum, denunciando impedimenta potissimum dirimenti, si quæ sint inter Sponsos, possunt ac debent omnes, qui eorum notitiam habent, & ab hac impugnatione & denunciatione non repelluntur, nisi de malitia accusatione suspecti sint; ita habet communis; idemque est de testificando, modò alias testes sint idonei; imò si impedimentum probare possunt, & alia viā Sponsos à matrimonio contrahendo dimovere nequeunt, sub pravi peccato denunciare obligantur, etiam jure divino ac naturali ob grave peccatum proximi & Sacramenti irreverentiam avertendam, juxta dicta tit. 3. de clandest. spons.

2. Resp. secundò: Dum agitur de matrimonio jam contracto, sive quod ad separationem thori, sive ad dissolutionem vinculi, non omnes promiscue admittuntur ad illud accusandum; sic enim primò, dum agitur ad separationem thori & cohabitacionis ob commissum adulterium, nimiam levitatem &c; ad accusandum admittitur solus conjux innocens, utpote cuius solius interest, & cuius favore principaliter jus illud perendi & separandi se à conjugé nocente inductum est. Innoc. Abb. ad hanc rub. u. 15. Nav. in man. c. 22. n. 22. Sanch. de mat. l. 10. a. 13. n. 3. Pith. b. t. n. 1. Wiestn. n. 12. Arg. c. 5. de procurat. c. 4. de adult. & stup. secus est, si non ad divortium, sed ad canoniam & legalem penam de adulterio, dum illud publicum est, lumen-

dum tenderat accusatio; tunc enim à quolibet, modò mas sit & 25. annis major, juxta l. palam. §. 10. ff. de riu nupi. fieri posset, juxta §. item lex Julia Inst. de publ. judic. Harprecht, ibid. n. 38. Wiestn. l. c. dum verò agitur ad dissolutionem matrimonii ob impedimentum ditimens, illudque sit impotens, foli conjuges accusare possunt; quia horum solorum interest dissolvi matrimonium, & hi in hoc casu juxta c. requisivisti. 33. q. 1. c. consultation. & c. laudabilem, de frigid. & malficiat. sibi cohabitare possunt solito matrimonio tit frater & soror. ita Pith. b. t. n. 1. Canis, n. 2. Reiffenst. n. 3. Wiestn. n. 12. Item si impedimentum sit gravis metus vel error circa personam, solis conjugibus permisum est acculare matrimonium de nullitate; quia non tantum hos solos concernit, & hi impedimentum tollere possunt consentiendo in tale matrimonio, & id ipsum facere præsumuntur, si concii talis impedimenti cohabitent, multoq; magis, si se cognoscerent, & quidem in secundo casu ne quidem ipsi conjuges; adeoque in hoc casu frustra foret accusatio ab aliis facta. Gonz. b. t. n. 3. Pith. n. 1. Wiestn. n. 13. Reiffenst. n. 4. si impedimentum est consanguinitatis, affinitatis, publica honestatis, primò omnium ad accusandum admittuntur parentes, dein fratres & sorores, alii consanguinei, & his deficiensibus extranei antiquiores vicini, utpote quibus genealogia & propinquitas conjugum magis nota est. AA. iidem juxta c. 1. & c. notificamus. 35. q. 6. c. videtur. b. t. Ac denum si impedimentum est aliud, V. G. defectus parochi, professio religiosa, præter ipsos conjuges & consanguineos admittuntur etiam extranei veraces, & non suspectæ fidei, maximè, si inter

interesse habeant, Gonz. b.t.n.3, Reiss. n.7. Wiestn. n.15. Arg. c. 1. de his qua vi metusve caus. ubi matrimonium iritum ob professionem religiosam impugnatur monasterii Priorissa & sorores.

3. Resp. tertio: Omnes idonei ad accusandum matrimonium etiam admittuntur ad testificandum contra matrimonium vel pro illo, modò aliis apti ad testificandum, sive agatur de matrimonio conjugendo, sive de eo dissolvendo. Pith. n.3, Wiestn. n.17. Reiffenst. n.14, cum communis Arg. c. licet de testib. & attest. Unde licet pater testis in aliis causis filii tam civilibus quam criminalibus esse nequeat, l. testis ff. de test. c. testis idoneus q. g. 3. tamen is, uiri & frates alii consanguinei testes esse possunt in causis matrimonialibus filii & consanguinei. AA. idem juxta c. videtur h. t. idque quia non solum praeterea majoris consanguinitatis & affinitatis ejusdemque distantiae quod ad gradus notitiam habere, sed & ut cum Engels. h. t. n.8. Wiestner. l. c. incestuarum nuptiarum probrum in sua familia non tolerari credantur. Limitat id ipsum Pith. l. c. not. 3. ita ut pater non consequatur testis idoneus sed suspensus, ubi sponsa filium Sponsum, aut contra Sponsius Sponsam nobilitate & dignitate multum superat. unde Abb. h. t. n.6. in fine dicit non posse dari certam regulam, an & quando credendum sit testimonio parentum in causis matrimonialibus filiorum, sed id relinquendum arbitrio Judicis, ut ex circumstantiis dignolet, quandoman hoc testimonium sit suspectum. Item licet idem esse non possit testis & accusator in causis propriis aut etiam aliis, potest tamen esse in causis matrimonialibus, saltem quando agitur de consanguinitate & affinitate. Pith. l. c. not. 4. Reiffenst. b. t. n.15. Wiestn. n.18. juxta c. 5. & 7. caus. 36. q. 5. qui tamen id cum Abb. in hanc rub. in fine. Arg. c. in tua, de Sponsal. intelligendum in eo solum caluissent, quod accusator non est proprie talis matrimonii, sed solum denunciator impedimenti, ita ut, si Judex ex officio ad denunciationem factam inquirat, is, qui denunciat, simul esse possit testis impedimenti denunciati. Porro in Germania provinciis ex privilegio vel consuetudine nobiles & illustres personas ad personaliter testificandum compelli non posse, sed posse id facere per literas scriptas consignatas & transmissas, ex Gail. l. 1. obs. 10. num. 4. asserit Wiestn. num. 19. in fine.

Ques. 271. Quinam in specie repellantur ab accusatione matrimonii, & consequenter a testificando contra illud vel pro eo.

R Esp. Ab utroque (uti & in omni alia accusatione) repelluntur. Primo qui turpis & sceleratus grauius accusant (idem est de testificantibus, utpote qui etiam in causis matrimonialibus debent esse omni exceptione maiores, ut gl. in c. 1. de consang. & affinitat. v. maiores. Alex. inc. insuper. h. t. n.4. Pith. b. t. n.15. in fine) sive qui pecuniam ad accusandum inducuntur, eamque exigunt, ut ab accusatione desistant, quia falsi & malitiolè acculae presumuntur juxta c. significante, b. t. & gl. ibid. v. eod. Abb. n. 4. Pith. l. c. qui etiam n.5. cum Abb. quod Judex in hoc casu ex officio suo parte non opponente possit accusatores tales repellere. Secundo repelluntur, qui, dum denunciationes seu proclamationes fierent, impedimentum non man-

R. P. Lenz. Jur. Can. Lib. IV.

festantur; ed quod manifestationem differendo in tempus matrimonii jam contracti, illud calumniosè accusare presumantur. Pith. b. t. num. 6. Wiestn. n.16. juxta c. in tui h. t. nisi tamen propter absentiam, infirmitatem aliquam justam causam ignorantem denunciations factas, vel impedimenti eo tempore ignorati notitiam postea prius se habuisse fidem facerent juramento interposito. Wiestn. l. c. cum Barb. in c. ult. h. t. cuius de cetero ignorantiae proclamationum (uti & aliorum, que publicè sunt in civitate) justaque de ea presumptionis sequentes calus ponit Pith. b. t. n.7. not. 3. nimis dum quis tum temporis existebat extra diocesim, vel quia tunc erat in ea aetate, aut etiam in eo defectu usus rationis, ut gesta non intelligeret; vel etiam alia de causa dum temporis non admitebatur ad accusandum, V. G. quia erat excommunicatus. Tertio secundum jam dicta, que quidem ab initio gravi metu coacta contraxit, postea tamen copulam carnalem admisit, juxta c. insuper. de testib. & Barb. ibi. n.3. Gonz. n.3. Pith. n.14 quartò, qui personaliter absentes per literas accusant. c. per scripta 2. q. 8. c. nobis. b. t. idque ita dispositum ex ea ratione, ut excludatur occasio facilis calumniandi, dum accusatores liberius possint calumniari, si absentes per literas possent accusare, ita Pith. n. 12. qui tamen addit, quod licet talis accusatio & testificatio facta in scriptis seu per literas non sit sufficiens sine aliis administris ad ferendam sententiam, parat tamen aliquam presumptionem; quia etiam in se valere & sustineri posse ex privilegio & longa consuetudine, qualiter, ut dictum, competit id in Bohemia & Austria nobilibus, Baronibus &c. ut non cogantur personaliter accedere Judicem ad testificandum, sed satis sit per scripturam sub sua fide sine juramento corporali depositionem manu propria subscriptam & obsignatam Judici transmittere; quintò repellitur testis de auditu, si is, a quo audivit, & in cuius testimonio se fundat, tanquam inhabilis ad tale testimonium repellatur. Pith. n.8. in fine cum Abb. inc. ult. h. t. n. 10. & Canisio ibid. n.2. Cujus contrarium est in accusatore, qui admittitur ad accusandum, etiam si author, a quo audivit impedimentum, admitti nequeat. Pith. l. c. juxta c. licet 47. de testib.

Ques. 272. In causa matrimonii quis sit Judex.

1. R Esp. primò in genere: Causarum matrimonialium cognitionem & definitionem spectare ad forum & Judices ecclesiasticos solos, est unanimis DD. Catholicorum consensu juxta c. iuam. de ordine cognit. c. lator. & c. causam. qui sit, sive legie, decilimumque in Trident. sess. 24. can. 12. hisce expressis: si quis dixerit, causas matrimoniales non spectare ad Judices ecclesiasticos, anathema sit, et que ratio, quod matrimonium sic unum ex septem Sacramentis, adeoque res spiritualis; de rebus autem & iuribus spiritualibus controversias in judicium adductas pertractare est solius potestatis ecclesiastice juxta c. quanto de iudiciis, & c. si Judex. de sent. excom. Porro idem est de questionibus ortis super Sponsalibus de futuro, cum tangent matrimonium; illud autem tangentium idem, quod illius, est judicium, Arg. c. translato. de constitut. & Clem. dispensacionem, de iudic. & ita tenent gl. in cit. Clem. v. matrimonii.